

Бувчѳултран дин мадахжари!

Цѳанасса чѳумал цаппара инсантал цукунсса бунугу балаллувун ягу захѳматшивурттавун багъсса чѳумал, аькѳлу бухлавгсса кунма, му захѳматшиврува ххассал хъуншиврул бикъавсса кѳану къабитай: духтуртурачан лагай, хѳакимтурачѳан бияй, битай лахъисса сапарду, жура-журасса дару-сававру ишла дуллан бикѳай. Кумаг къахъурча, ахирданийну яржа бияй бувчѳултайн, пал дутайса ва луттирдавун бургайсса инсантурайн.

макъала:Аьбдуллагъ-хѳажѳи Мухѳаммадов

Пал дутаву

Пал дутаву цукунсса къѳйдалий дулларчагу, хъанахъиссар инсан къѳкѳлужун ивхъуну ганая шагѳи ласунсса ягу ганал цѳалвагу оьрму пасат бансса къасттирай дуллалисса даву. Пал дутаврил гъанугу, ислам дучѳаннин хъхъичѳра диркѳсса аьдаттури. Мухѳаммад Идавс ﷺ увкѳун махъ мий цинярдагу абдатру батѳул хъуссар. Хъхъичѳава заманнайн аьрабнаву му иш хъинну машгъурну бивкѳссар. Гайнनावу бивкѳссар пал дуртун бакъа дѳъвилийн ягу сапарданийн къабуккайсагу. Миннал аьдат диркѳссар бувгъусса чѳелму ссавнийн итабавкѳуну, га куямур чулинмай леххарча, шаппа бацѳайсса. Бивкѳссар чѳатѳаракѳ риртун пал дутайсса инсанталгу.

Къюлтѳмур кѳул шайссарив?

Гъарца бусурманчувнан кѳулссар жуйнма бучѳантѳимур Аллагъу Тааьлал жува ляхъан баннинма чивчуну бушиву. Му чичру щѳищачѳав даххана дан къашайсар, бучѳантѳимур кѳулсса икѳу, къѳкѳулсса икѳу.

Бучѳантѳимур кѳул бан цацѳара думур хъус харж дан хѳадурссагу бур жулва инсантал. Мунил цѳаний дин къадитан аьркинссар учирчагума, муния махъунмай къахъунсса кунма чѳалан бикѳай.

» 6



Къуръандалуву буссар гъарзадран дару

Ва номерданий :



лаж. 3

Гъази-Гъумучиял мубарак
Аьбдурахѳман-хѳажѳи



лаж. 4

Оьрчѳи баврил хѳакъѳиравусса
адабру ва суннатру



лаж. 5

Чурх ва хъус марцѳи дувал!

Сапарданийн уккайнигу, кѳура авукунгу байсса чаклил баян

Шавату сапарданий уккайнигу, сапардания шавай уххайнигу цуксса ссуннат-чаклил даву хъинссар.

Сапарданий уккайний баймур шаппа цѳалва къѳатлуву бувну укканссар, сапарданул апатѳийрттаяту, оьшивурттаяту уруччиннав тѳий, мунийн ниятрай. Сапардания кѳура авукун баймурдив шавай ухханнин мизитравун увххун баву хъинссар, ягу ичѳунай увххукун, цѳалва къѳатлуву банссар, шавай уххаврил оьшиврияту уруччиннав, куну ният дурну. Мукунма кѳира ракааьт ссуннат-чаклил гъарца чѳумал шавату къѳатлув уккайнигу, къѳатлату шавай уххайнигу даву хъинссар, уххаврил, уккаврил оьшиврия уруччиннав тѳий. Мукунма кѳира ракааьт ссуннат-чаклил даву хъинссар цѳуну хъусса жалиндалучѳан увххукун, муничѳа утту ишиннин



кѳинналвагу. Цѳусса къѳатри, цамур хъус машан ларсукун бавугу ссуннатссар. Гъарца даву дайдишайний, ца хъунмасса амру ялун бивукун бан ссуннатссар. Тавба дайний, тавба дурукун, магъар бишайний бан ссуннатссар. Хѳажлив усса чѳумал БайтуЛлагърава увккукун, Идавсил ﷺ мизитрава увккукун бан суннатссар. Хѳаммамрава увккукун, так чапуртал бусса аьрщарайн ивукун бан ссуннатссар. Таяммум бувну гъуслу бувкун, бакѳи чартѳи бувкун, ссирсирттал ссуннат бувкун, миннуха лавхъхъусса гъарца мурадсса иширттачѳа, хѳатта дукра дукайний, щѳин хѳѳѳайний кѳира ракааьт ссуннатрал даву хъинссар. Гъарал ларчѳукун даву гъу хъинссар кѳира ракааьт ссуннатрал, хъиннува хъунмасса чири буссар.

«Насѳхѳатулъ-аьвам» («Гъунчѳукъатѳан») тѳисса луттирава

Мавлуд Цуссалакрал райондалий

Февральданул 17-нний Цуссалакрал райондалисса Цуссалакрал шярваллил культуралул кьатраву хьунни рабиюль-зурун хас бувсса мажлис. Шиккун бавтунни шярваллил жамят, администрациялул ва цаймигу идарартгал зузат. Мажлис тивтунни шярваллил хьуначу Айданов Нурмухаммад-хажинал. Ванал бувсунни оьрчру тлайлану тарбия баврия ва хьуниминнаха хурмат бан аьркиншивруя.



Хьирив мажлис бачин бан махь буллунни Дагьусттаннал Диндалул идаралул зузала Тумалаев Давуд-лукхьун. Ванал барча бувунни шярваллил жамят барачатсса рабиюль-аввал зуруцал. Хьирив махь лавхьсса Цуссалакрал администрациялул бакчи Рамазанов Зурпукьаллул циняв бавтминнахь барчаллагь увкунни.

Новостройрайсса Диндалул Идаралул вакил Муршиев Мухаммадлул бувсунни Мухаммад Идавсия, мунал хасиятиртгата, манакибиртгата. Яла махь лавхьунни Цуссалакрал райондалул ветерантурал ккуралдулул хьунама Мирза Шахмиловлул. Ккуллал райондалул имам Сиражудин-хажи Кьурбановлул вяъза бия хас бувну Идавчлансса ччаву жула дакьурдиву ххи даврин: «Хадисраву увкуну бур: «Мухаммад Идав ххира кьавхьусаксса, дакниву иман камил кьашайссар», - куну. Муниятур щалла дунияллий бусурманнал рабиюль-аввал зуруй биклу, цамур чумал биклу чйавуну Идавс клици лагайсса, мунал сипатиртгата, оьрмулия, багь-бизулия буслан биклайсса. Идавс ххирассаксса иман цлакьссар. Иман дусса инсаннал дакнин Аллагь члан иклайссар. Му укуннасса вихшаву дакьар, мийжаннугу Аллагь ушиву бувчайссар. Масала, ва дуниял цукун лярхьуссар, дунияллийсса низам цукун най дуссар тисса суал гьарцаннал булайхьунссар. Иман дакьаманал муниин жаваб лярхьайссар ва укун хьухьунссар, тукун хьухьунссар, куну, цала лярхьан дуллай, теориярду бувну. Дакину иман дусса инсаннал най бунава члан биклайссар дунияллий



халкь лярхьан бавугу, нани дурсса низамгу Аллагьнаясса душиву. Агарда, уттигу иман дакьасса инсан ухьурча, тавакью буллай ура, му чулинмай ша бизара!» - увкунни иманнал. Цуссаккулал шярваллил жамятрал чулуха мажлисрайн бавтмиий барча бувунни Гьарун-хажинал. Уттиганну Гьази-Гьумучиял шярвату тивтунна мадрасалия бувсунни мадрасалул директор Нурмухаммад-хажи Бахарчиевлул. «Мадрасалувун кьамул буллалиссар циняв, хьуна-чйиви кьавукуну. Кйиву гьантта биклансса клану, шаннагу чумухьсса дукра, гьелисса щин дуссар, дуклан увкманая так хларачат ва ссавурди аьркинсса» - увкунни ванал. Дакиру хайран дансса чурдай мавлудру ккалай бия «Гьази-Гьумучи» тисса группа.

Сулайман Давудов

Дин ххирану диклан аьркинссар

Ва дунияллий Заннал буллусса оьрму цавайннал гьан бувай Аллагьнал ялув бивхьумур биттур буллай, хларал-хларам личи дан хларачат буллай, цаймири бур цацава шайкун Шариаьтрал ккаккан бувмуния арх хьанай, хларамну оьрму бутлатиссагу.

макьала: Рашид Рашидов

Хлакьинусса жулва оьрмулуву гьарца кланттай жунма музыка, балайрду баллай бур – кьатув, тучаннаву, маршруткардаву... Гай балайрдаваца цацавай баяхьтту нава, урцаллий ххюва процент бусурман бусса, Дагьусттаннай ушиву вих хьун захьматну биклай. На гьарца кьини даврин ачайсса маршруткалуву мудан радиолувух музыка лавхьун биклай. Ца кьини даврин най унува ттун га маршруткалуву бавуна ца балай. Га балайлул махьру бия Аллагьнал цлагу клици лаглай, кайп буллалисса оьрму, зуна баву ххуймурну чалачи буллалисса. Хадисуль-Кьудсилува Аллагь Тааьла тий ур: «Бунагьраву Ттул цла клици ливгма, Ттул нааьналухун агьайссар». Циванни инсантал мукун кьукьаласса балайрду тисса? Циванни гай Аллагьная нигьа кьабусайсса. Гай «балайчитураца» цайми махьру лярхьин кьабювхьурча, жунма гайннай цими бувну, дуаь дан ливчун бур. Амма га ишираву ттун яла аьжаив бивзуна маршруткалуву наниминнал баччи бакьашиву. На уссияв щилдунугу водительнай аьй дансса ххай, укунсса махьру бусса балай лавхьунтий. Амма циняв бия цалва-цалва кланттай щябивкун, га балай цанма бувагу кьабавсса кунма. Баччи бакьашиву жулла дакьурдиву мукун куртну щядиркун духьунссар, оьмур-хьинмур личи бан кьабюхьайсса тагьарданийн биянцлакул. Щилчав ссихи дуккантий дакьашиву чалай, на га балай лещаву тлалав бувссия. Водитель ттух душманнах куна урувгуна, амма балай левшуна. Ганаву чанссарагу инсаншиву лирчун духьунссия. Га маршруткалуву наниминнавасса щихьбунугу цуххирча: «Ина бусурманчуврав?» - куну, ганал «Альхамдулиллагь, на бусурманчувра» - учинсар. Жува бусурманну тий бухьурча, циванну ва кунмасса иширтгачла ургьил бакьашиву дуллалисса? Циванну Исламрал душмантурал жуйнна нани дурсса чапалшиврун кьарши кьабуклакисса? Гьарцаннал учинсар «Му ттул иш бакьар», «Ттулва бакрайн бала ласлан ттун ссан аьркинссар». Жунма кьулли бунагьру буллай бунутий, Аллагь Тааьлал щаллусса миллатру бухлаган бувшиву, гайннавух марцисса инсанталгу бивкун бунава. Ца чумал Аллагьнал Жабраил-малаик гьан увну ур ца шярвалу бат дан. Жабраиллул увкуну бур: «Я Рабби, га шярвату ур ца ххуйсса инсан, гагурив бат ан аьркинсса?» - куну. Аллагьнал жаваб дуллуну бур: «Ина ганая айихь, гайми тлайла бацан баншиврул, цанма кьулмур гайминнахь буслай кьавкунтий» - куну. Хлакьину жунма аьркинни жулла дакьурдивусса баччи бакьашиву духлаган дан, Исламрал чулиннай гьират диклан. Жулва оьрму цукун ва ссахлуну бутлай бурув пикри бувар!

Ваччиял шярвату

Февраль зурул 6-нний Ккуллал райондалийсса Ваччиял шярваллил мизитраву дурунни рабиюль-зурун хас дурсса мавлуд.



Мавлудраву гьурту хьунни Ккуллал, Лакрал ва Цуссалакрал райондал шархьавасса имамтал, Дагьусттаннал Бусурманнал Диндалул Идаралул зузат, Ас-салам кказитрал вакилтал, райондалул администрациялул зузат ва шярваллил жамят. Лакку мазрай ва аьраб мазрайсса мавлудру ккалай бия Хьанардал, Ккуллал



ва Гьумучиял шархьаватусса группарду. Мажлисрай махьру лавхьунни Ккуллал райондалул имам Кьурбанов Сиражудин-хажинал ва Диндалул Идаралул зузала Мухаммадрасул-хажи Махадовлул. Мавлудрал ахирданий шярваллил администрациялул бакчи Арсен Мухаммадовлул бавтминнахь барчаллагь увкунни, тгиния тихунмайгу укунсса мажлисру буллансса умудгу клици лавгунни.

Аьли Рамазанов

Баян



Аллагьнал цимилийну махьсса шпуртгугу лакку мазрайсса диндалул луттирду итабакьлай, мунихсса кьулагьас гуж хьанай дур. Уттиганну Хажиева Аьйшатлул итабукьунни «Лакрал, шайхтал, валитал, аьлимтал» тисса лу. Луттирал цанил буслай бур муниву ссая ва щия чивчуну буссарив. Март зурул 16-нний ссят 2-нний Махачкьалаливсса Сайидмухаммад-хажи Абубакаровлул цанийсса фондрал актовий залдану хьунтиссар лакрал хьхьичьавасса аьлимтуран ва луттирал презентациялун хас бувсса конференция. Оьвтгий буру циняв-найн конференциялуву гьурттушинна дан. Адрес: Махачкьала, Абубакарова 115-б.

Учредитель

Благотворительный фонд «Путь». Газета печатается по согласованию и одобрению Духовного управления мусульман Дагестана

Редакционный совет

Председатель редакционного совета муфтий РД Ахмад-хаджи АБДУЛАЕВ
заместитель муфтия РД Махди-хаджи МУТАИЛОВ

Главный редактор

Заурбек (Абдулла) ЯИКБАЕВ

Редактор

Иса ОМАРОВ

Канонический редактор

Курамухаммад МАГОМЕДОВ

Менеджер

Абдусабир АХМЕДОВ

Дизайн, вёрстка

Мухаммад МУСАЕВ

Газета зарегистрирована Федеральной службой по надзору в сфере связи, информационных технологий и массовых коммуникаций.

Свидетельство о регистрации ПИ № ФС 77-37006 от 29 июля 2009 г.

При перепечатке ссылка обязательна. Набрано и сверстано на компьютерной базе газеты «Ассалам».

Отпечатано в ООО «Дом печати» по адресу: пр-т Акушинского, 20

Заказ №

Тираж 3250 экз.

Сдано в печать 1 марта 2012 г. в 19:00

Индекс 51388

Адрес редакции

367015, РД, г. Махачкала, ул. Аскерханова 13а.
Тел.: (8722) 51-85-22.

По вопросам подписки и доставки обращаться по телефону: 914-222, 8-988-291-42-22.

E-mail: assalamlak@mail.ru

www.assalam.ru

Гъази-Гъумучиял мубарак Абдурахіман-хІажи

Абдурахіман-хІажи увну ур Гъази-Гъумук. Га ивкІун ур Апаннихъал тухумраятусса Абдулкъадир-апаннинал кулшартаву мукъа арснава чІана-чІивима. Ганал нитгин ца диркІун дур ПатІимат.

Нитти-буттал Абдурахіманнун чІивину унува Къуръан, буккин-чичин лахъхъин бувну бур. Яла га дуклан увххун ур мадрасалувун. Мадрасалуву дуклакисса оърчІавугу Абдурахіман хъинну итххавхсса, хъхъичІунсса мутааълимну ивкІссар. Аъраб маз, математика, астрономия ва цаймигу элмурду лахъхъин га занай ивкІун ур Гъумучиял Шамсуттин-къадиначІан.

Оърмулул аџиния шанна шин хъусса чІумал Абдурахіманнун хиял бивну бур элму дукккин чун-унугу гъан. Цала яла дучІими яннагу ларххун, щихъчІав пичІавугу къавкуну, лавгун ур шяравату. Хъунмасса хІаллай найгу ивкІун га ахиргу ивну ур хъхъирил зуманив. Хъхъирил зуманив бавцІуну бивкІун бур жамирду. Лавгун ца жамилучІангу, хъунаманяхъ цІувххуну бур: «Та вил жамилий ттун даву дурив?» - куну. Жамилул хъунаманан оърчІал ас-ламус ххуй бивзун, увцуну ур цала жамилийн. Абдурахіманнун кІул хъуну бур га Стамбуллайн нанисса туркнал жами бушиву. Га жамилий Абдурахіман ивну ур Стамбуллайн. Жамилиягу ливккун, кІиришивруа игъа лаган шяивкІун ур ца мурхъирал лув. Цаппара хІаллава ххулийх нанисса пІайтІун ганал чІаравгу дарцІуну, ганийсса адиминал оьвкуну бур Абдурахіманнун. ПІайтІундалува шяивкІсса адиминал ва шарссанил буллан бивкІун бур Абдурахіманнун садакъа. Абдурахіманнул гайннахъ увкуну бур: «На шярайхукку акъара, Дагъусттанная жамилий увкІун игъалаглай ура, чак бан мизитравун ачин ччай ура», - куну. ПІайтІундалийсса адиминал увкуну бур: «Ачу, лахъу пІайтІундалийн, на ина мизитравун иян анна», - куну. Гайннал цал Абдурахіман цачІана шавай увцуну, марцІсса яннагу дуллуну, духІиндарайн учІан увну ур. Яла Абдурахіманнун кІул хъуну бур га адимина хъунмасса мизитрал имам ушиву, ганайн Файзулла-хІажи учайшиву. Файзулла-хІажи мизитравун авчукун, пашала Абдурахімангу увцуну ур. Мизитраву гиккусса мюталимурашлал кІулгу увну, утгубишайсса къатлуву кІанугу бувну, дуклан къамул увну ур. Абдурахіманнул Стамбуллай мадрасагу къуртал бувну, хъиннува ххуйну аъраб мазгу лавхъхъуну бур. Гания мукъах га лавгун ур дуклан Мисри-



ливсса Аль-Азгъар тІисса исламрал университетравун. Тагу къуртал бувну, Абдурахіман лавгун ур ХІажлив. Мунияр махъ Абдурахіман-хІажи занна хъуну ур Стамбуллайн. Файзулла-хІажинан га цала арс куна ххира хъуну ур. Абдурахіманнун ххуй бивзун бур Файзулла-хІажинал душ Аминат-ханум. Цала дакІниймур бувсун бур Файзулла-хІажинахъ. Душнил буттагу рязи хъуну ур цала душ ганан шар булун. ХІажлиягу шаппай най буна Малла Оьмар хІаласса Гъумучиял арамантл бувххун бур Стамбуллай мизитравун. Малла Оьмар ивкІун ур Абдурахіманнул ниттил ссил гъанчу ва чІаххувчу. Гъумучиял арамантнун увцІуну ур мизитраву Абдурахіман, амма га анаварну акъа хъуну ур. Оьмар хъирив лавгун, цІухлан ивкІун ур, амма Абдурахіман лякъин къабювхъуну бур. Гъумукун ийяйтху Малла Оьмардул бувсун бур цанма кквкмур Абдурахіманнул гъанминнахъ. Гай лавгун бур ганал хъирив Стамбуллайн. Файзулла-хІажинал мизитраву хъунабавкъуну бур гъанчу цаннашлал ца. Файзулла-хІажинал маслихІат бувну, Абдурахіман цала гъанчунашлал шавай гъан увну ур. Гъумук Абдурахіман-хІажи ккаккан шала шяравалу дурккун дур. Инсантал ганал лавсун увкІсса луттирду ххал буллай, тамаша буллай бивкІун бур. Ганан личІи-личІисса мазру кІулну лякъайхту, халкъуннал ганачІансса хІурмат личІиссава бивкІун бур. Ялагу Абдурахіман-хІажинал дару-дарман бувну къашавайсса инсантал хъин байсса бивкІун бур. Хъун ашрапи байл бувну ца чулуха цала ниттил итгавсса

ххянчру дуркъуну дур, цащала лавсун увкІсса даруртгу бутлай, чани бучІан бувну бур. Амма Абдурахіман Стамбуллайн занна икІан пикрилий ивкІун ур. Ганал ниттихъ увкуну бур: «Дадай, ттун анаварну Стамбуллайн ачин багълай бур, тийх ттун ххирасса инсантурайн бала ливккун бур», - куну. Нину рязийну Абдурахіман занна хъуну ур Стамбуллайн. Амма Стамбуллай лухІи оьцІалу сукку хъуну диркІун дур. Ганан лавкъуну бур цІуцІаву дирну шанурдай Файзулла-хІажинал шала кулпат. Цаппара гъантрава ливтІуну бур цаннал ца хъирив шала кулпат. Абдурахіман-хІажи дакІ гъаргъун ливчІун ур. Файзулла-хІажинал къатригу, хъусгу мизитран дуллуну, цанма аьркинсса луттирдугу лавсун, занна хъуну ур шавай. Гъумук га айивхъуну ур мюталимурадиндалул элмурду ва личІи-личІисса мазру лахъхъин буллай. ЧІал къавхъуну бувну бур кулпат, бувцуну бур цала чІаххуврайсса душ Айманат. Ца къини Абдурахіманнул цала кулпатра хъувкуну бур: «Самаркъандлив ттул муаълим-аълимчунайн къини дурккун дур, ттун тихун ачин багълай бур», - куну. Гайва гъантрай лавгун ур тихун. Бухарнал шагърулий зияратиртайх занай, чак бан мизитравун увхний, бавну бур Бухарнал Эмирдул жагъилсса кулпат кІира къини оьрчІ бан къахъанай бур тІий. Ганал бувсун бур цува Мисрилив хІакиншиврул касму дурккусса алимчу ушиву, цащав га шарссанин кумаг бан бюхъантІишиву. Эмирдул къалалува Абдурахіман-

хІажинал хъирив бувкІун бур. Ганал мийжаннугу кумаг бувну бур оьрчІ бан. Эмирдун бавну бур цана арс увшиву, ашрапиртал киса буллан ивкІун ур Абдурахіманнун. Абдурахіман-хІажинал кисагу къалавсун увкуну бур: «На инсан хъин аврих тачІав арцу къаларсъссар, шиккугу къаласунтІиссар», - куну. Эмирдул пІайтІундалий га иян увну ур Самаркъандрайн. Гиккун ивкІун, ганан лавкъун бур цала муаълимнал ссукулурай шяивкІсса гъанчу. Ца нюжмаргу дурну, Абдурахіман-хІажи занна хъуну ур шавай. Хъинну машгъурсса, махъ нанисса унугу, ганал кулпат мискинну ялапар хъанай бивкІун бур. Ца къини Абдурахіман-хІажинал хъулухун увкІун ур шярайхукку. Ганал кулпатрал шярайхуккун цичІав къадуллуну дур. Абдурахіман-хІажинал кквккун ур дарвазалучІату арх уцІацисса адамина. Мубаракнал га занавтун ур. Яла га луглан ивкІун ур дулунмуних. Дурагу дусса иникІмалия чантай бувцІуну, буллан бур шярайхуккун. Шарссанил ганахъ цІувххуну бур: «Тти на оьрчІан ци дулуви?» - кунуча, «Савур дува, Айманат, жучІанма Заннал ﷺ нясивсса къисмат бучІантІиссарча», - куну бур мубаракнал. Ахттакъунмай хъулухун бувкІун бур гъивурдашлал арулва варани. МахІатгал хъусса Айманат дуадуллан бивкІун бур. Бувсун бур мубаракнал гай цанма Бухарнал Эмирнал гъан бувсса ссайгъатру бушиву. Га иш хъуну махъ, кІива зурувун Лаккуй хъуну дур бунт (1877 шин). Оьруснал аьралуннал бунтгу паракъат дурну, ганиву гуртту хъумий бутълан бавчун бур. Абдурахіман-хІажигу увгъуну ур. Мубарак ссивир увну ур цала мукъвагу оьрчІашлал ва кулпатрашлал архІал. Гъан увну ур Опочка тІисса кІанайн. Арулла шин Ссивирливгу дурну, Абдурахіман-хІажи занна ивкІун ур Гъумукун. Ганайн цайми клантава оьвтІий бивкІун бур цачІана изу тІий, миннатру буллай. Абдурахіман-хІажинал язи бувгъуну бур Закалат. Тийх та увцІуну ур муфтиину, мадрасалуву дарсгу дихълай, хІурматрай ивкІун ур. Мубаракнал шала цала оьрму лавгун бур тийхъа. Ахир-данийгу цала аманат бувсса кІанай Закалатал Тала (Талы) тІисса шяраву ивкІуну, тиккува увчунугу ур. Абдурахіман-хІажинал чІарав бувчуну бур: арс Файзуллагу, душ Аминат ва танал кІиягу кумагчитал. ХІакиннусса къинигу мубаракнал зияратрайн чІявусса халкъ бучІайсса бур цанма барачат ласун.

Аьшат ХІажиевал «Лакрал, шайхтал, валитал, аълимтал» тІисса луттирава

Щалва Дагъусттаннайх мюнпат бавчІума

БАРХЪАЛЛАЛ МАЛЛА-МУХІАММАДЛУЛ ЧІАЯШІЯЛ МУХІАММАД-АПАННИНАХА БУВСССА ЗУКЪЛУРДУ

Пабибнаха - назму, Заннаха - хІамди, Бунагърал аьпвуну тІайла дацІаннав. Гъарибсса дакІнива бувккун лавгцири МустІафа Идавсил салават хъуннав.

ХІамдирал Залуннах ХІабибнал иман, ХІимаятраята цимилул бутІа – На бигъай ссихІругу циняв санаъри, Аьршарал Залуннайн ссаламну хъуннав.

Ттул дакІнил шугълугу салаватрури, МустІафа Идавсил ﷺ салават хъуннав. Ширваннал илданий вил малаиктал, ДакІнил тІабибталну чІарав бацІаннав.

Зунттурдал мукъахсса вил ххира Устгъаз Нурданул чирахъну дакІний ацІаннав. Аьршарава бувксса якъутирал мурхъ Муъминтурал чурхру хъюлчай тІи бай, тІар.

Мурхъирал леххаву аьршарайн ларсун, Цимилул Залуннахъ аьфву чІа чай, тІар. Цимилул хъулурду тІитІайсса чІумал Вил ялун тІитІиннав шариаьтрал ттарцІ.

Тавпикърал рахІматру бувайсса чІумал Вил ялун дияннав тІарикъатрал нур. Цимилул янийну буругай чІумал Даин уруганнав бусурмантурах.

Чассагул гъаннардайн - тавпикърал рахІмат, Имандалул мурхъру тІутІайх бичиннав. Гъуйннал ратІух нани тасаввуфрал нех Бакбивссуцириннал чурхру марцІ бай, тІар.

Файзирал цІакъшиву дацІан къадуван Арцул магъи дача ВицІхъиял ратІух. ЧІаяшІиял шярав хІакъикъатрал хІавз ХІавчІицириннал дакІру аьчух дувай, тІар.

Нифакърал щамарал хъама къадакъин Заргалтал батІира мусил къуппа бан. Дарвиштурал хІачІай шавкъирал шараб Буччиннин хІачІийча шайхнал муридтал.

►►6

ОьрчI баврил хIакъиравусса адабру ва суннатру

Жула Идавсил ﷺ хъуннасса къулагъас дайсса диркIссар ялун нанисса ник тарбия давриха. Идавсил ﷺ бувссар оьрчI баннинва мунай аякъа дуллай байбишин аьркиншиву. ОьрчI ниттил лякълува увккукун байбишин аьркинссар ганал тарбия, га щяйтIануя уруччиншиврул, лайкъсса Заннал ﷺ лагъ хъун хIадур уллай.

макъала: Юсуп Къурбанов

ОьрчI байхтту анаварну гъанмаччаминнан баян бувну хъинссар. Бавманалгу оьрчIал буттахъ вай махъру увкуну барча бансар: «БаракаЛлагъу ляка фильмавгъуби ляка, ва шакарталь-вагъиба ва разакъАллагъу биррагъ ва балягъа рушдагъ», - увкуну. ОьрчIал бутталгу жаваб дулунссар: «БаракаЛлагъу ляка ва баракаЛлагъу аьляйка», - куну. Вай дуаьртту дуккайссар арс увсса чIумалгу душ бувсса чIумалгу. МухIаммад Идавс ﷺ оьрчIай аякъа дуллай айишайсса бивкIссар га ниттил лякълува увксса ссятраву. ХъхъичIва-хъхъичI ганал буккайсса бивкIссар оьрчIал урчIамур вичIилувун азан, куямунивун къамат, инсаннан ва дунияллий бавсса махъру Аллагъ кIицI лагаврил махъру бикIаншиврул, ва мунийн оьрчI щяйтIаннуя буруччиншиврул. Аьли-асхIаблул ﷺ ва ФатIиматлул арс ХIасан увсса хавар Идавсийн ﷺ баян бувкун, Идавс ﷺ анаварну увкIун, ганал урчIамур вичIилувун азан увкуссар, куямунивун къамат дурккуссар. Ялагу Расуллагънал увкуссар: «ОьрчIал вичIилувун азан буккирча, га уруччинтIисар мюрщисса оьрчIан зарал байсса, «умму-сибьян» тIисса щяйтIантрая», - куну. Мунийяту, жунмагу орчI бувкун, ганал урчIамур вичIилувун азан, куямунивун къамат увкуну хъинссар. КIулманал «Алу-Эмран» тIисса суралул 36-мур аятту буккин бучIиссар. Дахъва бувсса оьрчIал къацIливу чансса кIювхIусса, кIукIусса чассагул касак бивхъуну, ссуку бавугу хъинссар, мунийн «тахIник» учайссар. Идавсилгу ﷺ мукун байсса бивкIссар. Чассаг бакъахурча, цамур нацIусса задрай бан бучIиссар. ТахIник дин дусса, салихIсса адиминал бавугу хъинссар. Исламрал ца тIалавшиннану хъанхъиссар оьрчIан ххуйсса царду дизавугу. МухIаммад Идавсил ﷺ увкуссар: «Буттал цала арснал хъхъичI шанма бурж буссар: увсса чIумал ххуйсса ца дизан, кIулли хъусса оьрмулин ивукун Къуръан лахъхъин бан, хъуна хъувкун кулпат бан». Аьлимтурал тIимунин бувну, инсаннал хасиятрал 70% ганал цIания хIасул шайссар, тIар. Ххуйсса инсантурал – идавстурал, аьлимтурал, шайхтурал царду дizarча, гайннал барачат га ца ларсун заназиманайнгу биянтIиссар. Аммарив бусурманчувнал арснал цана ххуй ивзсса футболистнал ягу артистнал цIа дizarча, оьрчI ххуй дакъасса хасият дусса, барачат бакъасса хъун бюхъайсар. Идавсил ﷺ тIимунин бувну,



оьрчI бувну арулчинсса кьини оьрчIан цIа дуллуну хъинссар. Арулчинмур кьини къабюхъарча, 14-мур ягу 21-му кьини дулунссар. Бучиссар увсса кьинира цIа дулунгу. Инсаннал цIа дикIайссар шанма журацца: дулун суннатсса (хъинсса), карагъатсса (къахъинсса), хIарамсса, ягу я суннат я карагъат я хIарам дакъасса. Суннатминнуя тIурча, Идавсил ﷺ увкуссар: «Аллагънан ﷺ яла ххирами царду – Абдуллагъ ва Абдурахманни», - куну. Ялагу суннатсса цардавун дагъайссар идавстурал царду, масъала, Муса, Юсуф, Юнус, ЯхIья, Ибрагъим, Исмаил, Якъуб, ИсхIакъ, Узаир ва м.ц. Ялагу дирзун хъинсса цардавацца хъанхъиссар Аллагънал ﷺ 99-гу бюхттулсса цIания «Аьбд» тIисса махъ хъхъичI бивхъуну сакин хъусса царду, масъала: Аьбдулаьзиз, Аьбдуссалам. «Аьбд» тIисса мукъул мяънагу – «лагъ» тIиссар. Арснал МухIаммад тIисса ца дизавугу гужсса суннатри. Идавсил ﷺ увкуссар: «Шама арс усса буттал цаннаннагу МухIаммад тIисса цIа дизача», - куну. Аьлимтурал тIимунин бувну, АхIмад тIисса цIанилгу МухIаммад тIимунисал архIалсса даража буссар. Карагъатссар оьккисса мяъна дусса царду дизаву. Масъала, Казибат – щялмахъ бусу. Мукунна къахъинссар жаваб дуллусса чIумал ххуй дакъасса мяъна дулайсса царду дирзун, масъала, РахIматуллагъ, Баракат. «Баракат шаппа бурив?» - куну цIаххирча, «Шаппа Баракат бакъар» учин бюхъайнутий. КъабучIиссар Аллагънал ﷺ дакъасса цардацIун «Аьбд» тIисса махъ бавхIуну сакин хъусса цIа дизаву, масъала, Аьбдулманан. Мукунна Аллагънал ﷺ дакъасса сипатру дуллалиса, ягу Аллагъу Тааьланай диялдакъашиву дихълахъисса царду дизангу къабучIиссар, масъала, Жаруллагъ (Аллагънал ﷺ чIаххучу), Рафикуллагъ (Аллагънал ﷺ гъалмахчу). Так Аллагъу Тааьланал дакъа щилчIав дакъасса сипат дусса цIа дизангу хIарамссар, масъала, Маликул-Мулук (паччахIтурал паччахI). Вай шанмагу журалувун къада-

гъайсса царду тIурча, масъала Хучбар, Баху, Мисиду ва цаймигу вайннуха лархъхъусса царду дизан ихтияр дуссар. ЦIа дизайсса чIумал Кьиблалул чулинайгу кIура авну, оьрчIал урчIамур вичIилувун азан, куямунивун къамат учаву суннатссар. Мунийар махъ ца «Къулгъу» ва 7-ва сура «Лайлатул-Къадр» буккайссар, цуппагу буттал бувккуну хъинссар. ОьрчIан арулва гъантта хъувкун, ганал бакI чартIи бавугу хъинссар. ЧартIи бувну хъусса чIарардал кIушивруйсса муси ягу арцу садакъалун дачIавугу хъинссар. Яла гай чIарарду экъи къадирчуну, марцIсса кIанай дуччайссар. ЦIанасса чIумал медициналулгу тасттикъ буллай бур бакI чартIи баврил бакIрайсса бурчу ва чIарарду цIакъ дайшиву, яруннин чани ва вичIилун чIу баяву ххуй шайшиву. Мукунма, цIа дирзсса кьини «аькьика» бувну, яттил хIайван биххавугу хъинссар. Жулва мазгъабрайн бувну, арснаха кIива хIайван, душниха ца биххаву хъинссар. Каши чанманал ца хIайван арулчинмур кьини, гамур каши хъукун биххангу бучIиссар. ХIайвангу бикIан аьркинссар Къурбан-байранналун биххан бучIисса хIайвандалул шартIру дусса. Аькьикалул дикI шархъун, цалагу дуркуну, мискинтуран, чIаххуран, гъан-маччаминнан дулайссар. Аькьикалул бивхсса хIайвандалул ттаркIру гъагъавугу къахъинссар. Аькьика бивхсса инсаннал вийнма хъамалу оьвчирча, гиккун ца оьзру бакъанува къагъангу къабучIиссар. ОьрчI балугъравун ухханийн мунан суннатгу бан аьркинссар (обрезанье). Жулва мазгъабрайн бувну, арулчинмур кьини баву хъинссар, мунийар ччяни баву къахъинссар. Имам Маликулул ва имам АхIмадлул мазгъабиртайн бувну, суннат бувну хъинссар оьрчIан арулла шин хъувкун, ацIра шинал оьрмулувун ияннин. Аллагънал ﷺ кумаг баннав МухIаммад ﷺ Идавсил ккаккан бувсса ххуллу бувгъуну бачин, жулва оьрчIангу му ххуллу лахъхъин бансса тавфикъ булуннав!

ХIабибнал ﷺ дуниял

Къаритаврил хавар

Ца хавар бусанда, вичIи дишара Къуръан-хIадис бувсун къабувчIайминнан, Аьжам шеъри бувну ХIабиб ﷺ кIицI анда Цал шафааьт жунма бияйрив ккаккан. Муъжизатру буслай гъалгъа буварча, КIивагу иттату макъ экъи лагай, Цув кIицI лагаврийну ихтилат барча, Вай къанкъасса дакIру кIукIлу хъун дачай. Арулда лухччи-ссав цахлу лярхъусса, Алжандул каширду цахъхъун дуллусса, ХIурулентуралгу цах эшкъи хъусса, Му ХIабибнал къарирт пана дуниял Жура къаритаврил пана шайссарив!

ЦичIаврагу Заннал ляхъан даннин хъхъичI Аьрширай цIа чирчу ХIабиб МухIаммад ﷺ. Цалва Аллагъналгу ﷺ салават дуртсса, Эшкъину ура тIий илчи гъан увсса. Му ХIабибнал ﷺ къарирт пана дуниял Жура къаритарча пана шайссарив! Цув увчусса кьини дуньял цIан хъусса, Гъарица лелуххи, гъарца жанавар Гъарицагу кIанттай цIив аьтун бивкIсса Нач дакъа уххайсса та малакул мавт Изну-пурман бакъа ялун къаувхсса. РухI ласаврил чIарав уммат кIицI лавгсса Му ХIабибнал ﷺ къарирт пана дуниял Жура къаритаврил пана шайссарив!

Цува ивчIаннин хъхъичI цал вягъза бувсса Минбардинин лавхун равзалий авцIун Мугъажиртал бувцун, ансартал бавтIун Хъинну бикIи куну ца жуав дурсса. Му ХIабибнал къарирт пана дуниял Жура къаритаврил пана шайссарив! Ххаришиву бусан Жабраил увкIун Вин кIа Аьрш ва Алжан вин гъарив куну, Тун уммат къабивтсса архшиву къачча, На уммат бувччуний учча увкуну, Му жуав дуллусса ХIабиб МухIаммад Му ХIабибнал къарирт пана дуниял Жура къаритарча пана шайссарив!

ХIасан-ХIусайндушал Бакъьрайн лавгун, Лажин лувну агъну уммат чIа кусса, Ххирашиву буслай Жабраил увкIри Аьрщарава махлукъ бизан буваннин Ина ва вил уммат бизантIиссар тIий. Му ХIабибнал къарирт пана дуниял Жура къаритаврил пана шайссарив!

«Ва ла савфа» куну аят ливккукун, Алжан винди куну цахъва бувсукун, Тул умматиндая ца адамина Дуржагъраву ивтун рязи акъар тIий. Му жуав дуллусса ХIабиб МухIаммад ﷺ Му ХIабибнал къарирт пана дуниял Жура къаритарча пана шайссарив!

Дужагъравусса цалва умматрал Аьмал бусича тIий цайнма бувкIукун, Аьрширал лув лавгун сужда банссари БакI гъаз да увкуну жуав данссари Ла илагъа илла Ллагъ увку вил уммат Тархъанссари куну жаваб данссари, Му ХIабибнал ﷺ къарирт пана дуниял Жура къаритаврил пана шайссарив! Турлил лачайсса сиратрал ламу Мунилулу лултгусса кIирисса дужагъ Му ламул лув лавгун уммат чIа чинссар Му ХIабибнал къарирт пана дуниял Жура къаритаврил пана шайссарив!

Буракърацал архIал халгъатру ларсун Аллагънал ﷺ расултал цIан бувкIукун, Гъаттал ялун бувкIун салам буллуну Изу лавай кун цахъва увкуну, Тул уммат чуври тIий лавай изанссар Му ХIабибнал къарирт пана дуниял Жура къаритаврил пана шайссарив!

(гичунмай хъиризмур номерданий)

Чурх ва хъус марці дува!

Аллагу Тааъланал шалвагу бусурманнал уммат ца кулпат кунмасса умматну хъун бувссар. Къуръандалулу увкуну бур: «Хакъну, циняв бусурман уссурвали», - куну. Имам Муслимдул бувсъсса хадисраву увкуну бур: «Бусурманчув бусурманчувнал уссури, мунай зулмугу къабантиссар, хиянатшивугу къадантиссар. Цала уссил хажатшиву биттур дайманан Аллагънал ганал хажатшиву биттур дантиссар.

макъала: Ибрагъим Ибрагъимов

Бусурманчув ца захматшивува уккан увма Аллагънал Къиямасса къинилул захматшивува уккан антиссар. Бусурманчувнал диялдакъашивуртту кӀучӀ дурманал диялдакъашивуртту Аллагънал Къиямасса къини кӀучӀ дантиссар», - куну. Жунма бувчин аьркинссар динналувусса уссушиву оьтгуйнуса уссушивунияр даражалул ларайса душиву. Цанчирча, оьтгуйнуса гъаншиву нитти-буттайхчин диклайссар, динналулмур гъаншиву-рив Аллагънал Къуръандалулу цӀакъ дурссар. МухӀаммад Идавсилгу увкуссар: «На ттула умматиннан оьрчӀан ппу кунассара». Цамур хадисравугу увкуну бур: «Бусурманнал ялун дирсса захматшивурттая ургъил къабайма миннавасса акъар», - куну. Вай бакъассагу буссар чӀявусса хадисру, бусурманнай аякъа дан жуйнма оьвтисса. Цала динналул уссил чулухуннай баччи бакъашиву даву – иман хъарасса душиврул лишанни. Закат буккавил ца хикматшивугу хъанахъиссар жува чӀаравманаха къулагъас дуну, ганай аякъа дуллаи биклаву. Закат тисса махъ аьрабрая таржума барча, мунил мяъна хъанахъиссар «марцӀшиву» - закатрайну инсаннал цала хъус марцӀ

дуллалиссар. Ялагу ца му мукъул мяъна – «гъарзашиву, зиядашиву» - закат буккавилну бусурманчувнал цала хъус гъарза дуллалиссар. Закат буллаи унутӀий мискин хъусса цягу инсан акъассар. Му бакъассагу, закат къабуккаймири гъарзад духларгун личӀан бюхъайсса. Минная Къуръандалулу увкуну буссар: «Миннал хъуслия закат ласи, мунийну миннал бунагъругу шюшин, хъусту чӀяру хъун», - куну. Закат буккавилну цува марцӀ шаву дакъасса, мискинса динналул уссингу кумаггу хъанахъиссар. Халиф Оьмар бин Абдулаьзизлул заманнай ганал халифатраву ца шинал закат булунсса инсан къалявкъуну, мий закат цамур шагърулийн гъан бан багъссар, му иширай циняв багъайкун ялув бавцӀуну бунутӀий.

Бюхъай цӀуххин циванни на закат булун аьркинсса, ттула захматрайну ляркъумур щинчӀав дулун циван аьркинссар, куну. Аллагънал Къуръандалулу увкуну бур (мяъна): «Миннал хъусливу буссар чӀа тӀиманал ва мухӀтажманал бутлагу», - куну (сура Аз-Зарият, 19 аят). Цамур куцӀуй учин, вил хъус так ца вилла дакъар. Муниву буссар миски-гъаривнансса бутлагу. Муниву бувну, закат къабулайманал га мискинчувнай зулму буллалиссар. Хадисраву бувсун бур, Къиямаса къини инсан учӀантиссар тӀар зунтурдуксса чӀявусса хъинсса аьмаллашал, нава чара бакъа Алжаннавун гъанссара тӀий икӀантиссар тӀар. Микку бучӀантиссар тӀар мунал зулму бувмий, масала, цаннахъ оьккисса махъ увкусса, ванаха ххуй акъа урувгсса, гаманан закат къабуллусса, ми бучӀантиссар мунаша цалва хӀакъ ласун. Му хӀакъгу хъанахъиссар мунал хъинсса аьмаллу, цукунчӀавсса арцу-мусийну къимат бишун къашайсса. Багъа бишун къашайсса хъус



зеххитиссар Къиямасса къини закат къабуккайманая. Цири мунал яла хъунтисса? Бухлагантиссар хъинсса аьмаллу, амма тӀалав буллалимий ялагу личӀантиссар. Яла гайннал цалва бунагъру ванайн бичинтиссар, ласунсса цичӀав къаляркъукун. Ахирданийгу чирилул зунтурдан кӀанай бунагъирттал зунтурду хъуну личӀантиссар, цувагу дуржагъравун утантиссар. Мунияту, пикри бан аьркинссар, хъус хӀакъину дур, гъунтти дакъар. Жулва бакӀрачӀан ци бучӀантиссарив щинчӀав къакӀулссар. Ца бусала бур, ца адимина цала шарссанишал супралух шӀяивкун ивкӀун ур шавхъсса аьнакӀигу хъхъичӀ бивхъуну. Му чӀумал миннал нузайн щиллив кьутӀ куну бур. Нузах шӀрайхукку авцӀуну ккавккун ур. Ласнал га лихъан увну ур, цичӀавгу къадуллуну. Замана лавгун, му шарссанил лас думуницӀа хъуну, хъинну мискин хъуну ур,

шарссанишал личӀи хъун багъну бур. Шарссагу цаманан хъуну дур. Ца къини га шарсса цила кӀилчинма ласнашал гава куцӀуй аьнакӀи букан щядивкӀун дур. МинначӀангу кьутӀ куну бур шӀрайхуккул. Ласнал увкуну бур: «Насуча, га шӀрайхуккун ва аьнакӀи була», - куну. Шарсса ларгун аьнакӀигу буллуну, аьтӀий махъуннай зана хъуну дур. «Вин цивхъун, ина циван аьтиссара?» - цӀувхъуну бур ласнал. «Га шӀрайхукку ттул цалчинма лас ия. Вава куцӀуй жу аьнакӀи букан щябивкӀсса чӀумал, чӀа тӀий увкӀсса шӀрайхукку ганал лихъан увссия», - куну бур шарссанил. Ласнал пишгу куну: «Лихъан увсса шӀрайхукку наывхха!» - куну бур. ХӀакъину жува аваданну буру, гъунтти бюхъайссар жучӀара хъус къаличӀан. Муниву бувну, бюхъалай бунува шукру буллан аьркинссар, садакба баврийну, закат буккавилну. Аллагънал тавфикъ булуннав! Амин.

Къашайманах урган лагаврил адабру

Къашайманах урган лагавугу гужсса суннат (суннатун-муаккадар). Цала дус икӀу, душман икӀу, гъансса икӀу, архсса икӀу, кӀулсса икӀу, къакӀулсса икӀу – гъарманах урган лагаву суннатссар. Му куннай куннал ялувсса хӀакъри, хӀатта, чапурчувнахгума урган гъан бучӀиссар, куну бур. Къашайнах урган лагаврия чири хъинну хъунмассар. МуначӀа шӀяивкӀма – Аллагънал рахӀматравун увхмари, Алжаннуву шӀяивкӀмари. КъашайманачӀагу ивзукун, мунал ялув арулцалазара малаик ацӀан айссар салават дутлансса му къини маркӀачӀаннин.

Урган лавгун, ялун уххайнигу «Ла баьсса тӀугъуран иншаАллагъ» – учинссар. Уххангу – цимилийну ухханссар. Цува пашманшивугу ккакан банссар. РахӀму баннав, цӀими баннав, цӀуллуну итаннав куну, дуаь данссар. Мунал бакӀрай я ка дирхъуну, ягу ка дургъуну, «Цукун ура, ци иш бур?» – куну суал банссар. «Савур да, шукру ба, аьсив машара, хъинмур ба, тавба да», - куну, насихӀат бусанссар. МуначӀа лахъигу къалаганссар, ихтилат чӀяву къабанссар, суал гъарза къабанссар, хъяхъяву къаданссар, дукра къадуканссар. Гъанма, цӀими бума, адаб дума чӀарав шӀяивкӀун, зана-къулу увну, дукра дуллуну хӀурмат банссар. Къаччисса дукра дуки тӀий, гужгу къабанссар, ччимургу гъарза къаданссар. Къашайсса инсаннал цуксса хӀаллай дукра къадукарчагу, зарал бакъассар, Аллагънал чулухату мунал лукъма хӀасул хъанахъиссар.

Мукунма ца бала-мусибат ялун бивсса, дакӀнин къаччимур хъусса, хъуслин, бакӀран зарал хъусса инсаннахъ таъзият-жижара бавугу суннатссар. Му-



нал дакӀ гъарта хъунмур бусаву, савур данмур бусаву хъинссар. Амма шанма гъантта хъуну махъ булла-лаву къахъинссар, карагъатссар, ганал дакӀниву цӀунилгу пашманшиву къахъуншиврул. Так шава къаивкӀун, ягу цамур савав хъуну къаккавккун ухъурча акъа. Къашайманай, ивкӀуманай, цамур ца бала мусибат ялун бивманай цӀими хъанай, къахъинахха тӀий, язухъри тӀий цӀими хъанахъавугу къахъинссар. Му Аллагънаяр цува рахӀму-цӀими бума хъанахъавури, Аллагънай аьй дуллалавури, Заннал бувмунийн инкар бавури. Мунил хӀикмат Аллагънан бакъа къакӀулссар. Муниву мунал хъинбала, мюнпат-маслихӀат бикӀангу бюхъайссар, жунмагу цанмагу захматну, оьну чӀаларчагу. Аллагъ-

нал Цала лагънан хъинмурди байсса. Циксса захматну чӀалачӀисса хӀукмурдури дуниял-лий инсантурал ялун биллалисса, цавува ца хъин-мала, ци-бунугу маслихӀат бусса. Ягу бюхъайссар му инсан захматшиврийн лайкъ хъусса икӀан, масала, бунагъру чӀявусса бувсса ивкӀун, мий бувшиву цанмавагу хъама бивтсса, миннул жазаъран мукун увну ивкӀсса. Ягу Аллагънал мунал хӀал ххал бан ссавур дайрив, шукру байрив, аьсив шайрив ххал ан утангу бюхъайссар мукун захматсса иширавун. Аьсив къавхъуну, ссавур дарча, мунил чири, даража хъунмассар. Ялунгу, Аллагу Тааъланал дунияллий бала-мусибатту, цӀуцӀаву-цӀалгу, къумашивугу, захматшивугу, чӀяруну Иман камилманайн, Цана ххираманайн мусаллат дайссар ахиратлуву куклу дан. ХӀатта муъминчув мукъцӀалва гъантлий цалла ялун захматшиву, къашайшиву къадуркӀун къаличӀайссар. Муъминчувнал дакӀ сагъссар, чурх къашавайссар, мунафикънал чурх сагъссар, дакӀ къашайссар. ТачӀав къашавай къашайсса инсан хъинсса къаикӀайссар. Фираьвн мукътуршра шиная хъуссар. Мукссса хӀаллай мунал бакӀвагу цӀун къавхъуссар, я цамур къашайшиву захматшиву ялун къадирссар. Муни-ятур мунал «На зул Залла», - тӀий, цува залшиврий дьяви буклай ивкӀсса. Чанссарагу азар мунал чурххайн дирссания, цимурца къадиртун ахират-лухун машхул хъунссия. Мукунассар гъарца оьмагу, миннай къашай шавугу чанссар.

«НасихӀатуль аьвам» («ГъунчӀукъатӀан») тисса луттирава

Щяйтлант ляхъан бувну муъминтурайн мусаллаті баврил савав

Аллагу Тааьланал Расулюллагъ ﷺ тйайла увссар халкъ хіакъмунин тйайла бацан бан, миннан рахіму цимилун. Щяйтлангу ляхъан бувну мусаллаті бувссар миннан обалларан, ми бйякьин буллай гьалак бан.

Утти, му щяйтлан Аллагу Тааьланал мукун инсаннан душманну ляхъангу бувну, душманшивугу бувсун, муъминтурайн мусаллаті баврил хіикмат, миннал хіал ккаккани. Ми мунин мютгий шайрив къашайрив, му душманну бугбайрив къабугбайрив ххал банни, му душманну бугбайрив куну амругу бувну. Ялагу му мукун мусаллаті бавриву муъминчуннан хъншиву, хъншиву лавайшиву дунутгийри. Масала, му щяйтлан бакъассания муъминчувнал муъминшиву къакулъхъунссия. Мунал къадру-къимат къакулъхъунссия. Мунал ххирашиву загьир къахъанантиссия. Оьма-хъинма личіи къахъанантиссия, цу дакъассания оьдрал тланнул къанкъ загьир къашайсса кунна, царайн дургъуну дакъа. Му мусаллаті бавриву муъминчуннал даража хъунмассар. Мунишал хилипшиву дурну (мунин къарши увкуну), мунил тйимур къабарча, Аллагу рязи шайну тий. Мунил тйимур бувну, айкьин увну, маъсиятравун агъарчагу, муния пашман хъуну тавба дарча, му щяйтланнун хъиннува захілат бивзун яхі гьагъайссар, му аьсившиву дурагу къадурна ччиссар, мукун тавба даяр, авчинан ав биривагу къабиривну ччисса кунма биривну итхяхъаяр. Мунийгу мунал бунагьирталгу аьфву бувну, чиригу зияда бавай тий; му мунал дурсса аьшививрул бунагъгу му щяйтланнун дуртун, мунил аьзав зияда давай тйи. Масала, Аллагу Тааьланал каши дуссар муъминтал щяйтланнуяр ххув бувну муния буручин. Бунугу Аллагунал, ку цумал щяйтлант миннаяр ххув бувну, ми шагъватиртгавун бичайссар. Яла тавба дурну, хіакъмунин кйура бавну миннан дунияллулгу, ахиратлулгу лаззат хіасул хъншиврул. Мукунма Аллагунал каши дуссар кафиртурацал талатини муъминтурацун ка бавкъуну, ми ххув бан. Бунагу, ку цумал, ми бух байссар, миннан шагъдат дакнин дагъаншиврул. Миннацун ка бавкъуну чапурталгу бух байссар, миннал давларду хіасул хъншиврул. Утти, му иблис аьлайгьі лягънат (цайн нааьна шивуй), халкъ бйякьин буллан, миннайн мусаллаті бувну, итабакъаврил аввалгу, сававгу – му иблис Адам ﷺ ляхъан аннин хъхъичъа мукъцалазарда шиная алжаннул ххазиначи шиврий бивкссар. Мукъцалазарда

шинай Малаиктурал устгазну бивкссар. Миннан задру кйул буллай. Мукунма мукъазарда шиная лухчи-ссавнил паччахъшиврий бивкссар. Му куццуй ссавруннай, лухччиний Аллагунаха марцуну эбадат дуллай, мунайн мютгийну, муначла муксса хъхъичуннайну бивкссар иблис. Яла Адам ﷺ ляхъан увну, мунайн сужда ба куну, Аллагунал амру бивкун, - «Царая ляхъан бувсса на, аьрцарая ляхъан увсса мунайн сужда цанни байсса», - тий, дакй хъун дурну, такабуршиврул (дакй хъншиврул) аьсив хъуну, къабувну чапур хъуссар. Яла Аллагуналгу, му ца сужда къабаврийну, мунил дурцири эбадатгу зия дурну цалва цимилияту эьки ливчуну Алжаннаватугу буккан бувну увкуссар: «Тти ина тгучла къювкъуссара. Тгуйн аьсив хъума, ттул цимилулу къаикйайссар» - куну. Яла Иблислул увкуссар Аллагунахъ – «Раббий, ттул Заллуй! Ина на Алжаннавагу буккан бувунна, вилва цимилияту эьки ливчунна, утти дунияллий ттул къатта ци биклантиссар? Мажлис чув биклантиссар? Дукансса ци дукантиссар? Хіачіи ци хіачантиссар? Дибир, Мудун цу иклантиссар? Къуръан ци биклантиссар? лу ци биклантиссар? Хавар-хіадис ци биклантиссар? Ттул ав ци биклантиссар?» - куну. Аллагунал увкуссар – «Вил къаттагу хіаммамри. Вил мажлисгу - ккурчларду-базардур. Вил дукансагу - бисмиллагъ къаувкуну дуркумурди. Вил хіачіиугу - увччу аймурди. Вил дибир-мудунгу - зурняв, чугурду, чагъанттур. Вил Къуръангу – балай-шеърирдур. Вил лугу – накъичрури. Вил хавар-хіадисругу – щялмахъ-рур. Вил аврдугу - хъамир. Яла мунин Мунал цимилулу хъул къукукун увкуссар: «Раббий, ттул Заллуй! Ина ттухъхъун Къиямасса кьини дизаннин мугълат була(чун дула)», - куну. Аллагуналгу увкуссар: «Буллуссар вихъхъун мунинин мугълат», - куну. Яла Иблислул увкуссар: «Вил хъншиврин хъа, нагу циняв халкъ бйякьин къабувну къабитанна, вилва муъминсса, мухлиссса лагъартния бакъасса» - куну. Яла Аллагуналгу ﷺ увкуссар: «На вилгу, вил зуррийтралгу, вил хъирив наниминнатугу дуржагъ буцдин къабувну къабитанна» - куну. Му куццуй мунихъхъун халкъ бйякьин буллан къудратгу дуллуно, Къиямасса кьининин мугълатгу буллуно итабавкъуссавагу, Аллагуналгу ﷺ му цалва амрулин мютіи къавхъуну, аьсив хъуну чапур хъуну тий, мунил аьсившивурту чйяру хъуну, аьзав-аькъува зияда данни. Утти, му иблис цупшагу, цилва аьралщяйтланту муния шихунмай халкъ бйякьин буллалав-рихун багъссар. Мунил санааь-



Шанашисса инсаннал къинттуллух щяйтланнул шанна къурхъ дутайссар, кйорххил чаклийн къаизаншиврул. Му изарча, ца къурхъ ттирихйайссар, чаклин ивсукун, кйилчинмур ттирихйайссар, чаклий авцукун, шамулчинмургу ттирихйайссар

пиша цамур цичлава бакъассар, ми бйякьин буллай аьсив буллалаву дакъа. Мунил хъхъичла-хъхъичі Адам идавс ﷺ айкьин увну Алжаннава уккан увссар. Авринугу бигъа къалавгун, мугу мунал зуррийятту гивун къабухханмурди мунил буллайсса, цицалва архіал дуржагъраву биклан. Мунил бюхъайссаксса инсан чапур хъунмур буллалиссар. Мунин яла ччимур мури. Мугу къахъурча адамина ивчанмур байссар. Мугу къахъурча цайми хъуни бунагьиртавун утанмур байссар. Мугу къахъурча, цайми бидъейсса аьмаллу ххуй бизан бувну, ми буллали айссар. Мукунма паризарттаятту, ссуннатиртгатаятту айшун айссар. Ягу миннуву хиялла-вун, вавасиртгавун утлай, ми дурусну хъун къабитайссар. Мигу къахъурча, хъинсса аьмал бан ххуй бизан бувну, му буллали увну, яла халкъ хъинсса ххуйсса адамина ур тйи, мунайн кйура баен бувну, мунал дакнинувн оьжбу, риягъ бувтун мунину гьалак айссар. Мукун куна цайми оьккисса, оьсса иширтгавун утлатиссар. Хіатта му Иблис лягънатуллагънал гьарца кьини кйорххил цилва аьрал ппив байссар дунияллий халкъ бйякьин буллан. Мунил угу учайссар: - «Хіакьину бусурманчу айкьин увну, на рязи бувну, цумур бучларчагу, на мунил бакйрай таж бишинна», - куну. Яла минния ца бучйайссар, на пуланнал щарссания ца рутан ав тий. Мунигу рязи къашайссар. Дутарча ттигу дуцинссар - куну. Цагу бучйайссар - «На нитти-буттан аькъувба дулун ав тий». - Мунигу рязи къашайссар, тти хъинмалагу банссар куну. Мукунма цаймигу на ва бан ав, на та бан ав тий бучйайссар. Ссяячлава рязи къашайссар, на пуланнал пулан ивчан ав тий бувкймуниятугу, пулан чапур ав тий бувкймуниятугу бакъасса.

Миннай рязи хъуну таж бишайссар. Цичлавабагу бан къабюхъумурдив мукърагу дархуну хъхъиривун бутайссар. Хіасил, ина ургу му щяйтланнул яла диндалул ттарцуну бухъусса чакливу цукун къючайрив, цукун хияллаву, пикрирдавун, вагъмурдавун, вавасиртгавун утайрив. Цамур цумал оьрмулий дакнин къабагъайсса задру дакнин къабутайрив. Му гьарца цумал, гьарца инсаннал лагма буклай, гьарца чулуха мунал дакнинувн, мунал туннурдавун бухлахиссар, му айкьин ан. Амма бакйрал чулухарив буххан мунин изну бакъассар, къабуххайссар, Аллагунал цимилулу, инсанналгу дянив къабагъан. Хіасил, му щяйтланнул масала - цуркил масалар. Хъус дакъасса къатлу-вун цурку къауххайсса куна, гьавалул (гьавасрал) къадурцусса дакнинувн щяйтлан къабуххайссар. Инсаннал дакнин масала мюхчансса къалалул масалар. Щяйтланнул масалагу мивун уххан, му ласун лагма уклакисса душманнал масалар. Мукун бухъувкун гьарца аькълу бусса инсаннай ялувссар цалла дакй мюхчан дан, му душман къабуххан. Му буххайсса хъулурду, ккутйу, хъякулттив чйяруссар. Миннул яла хъунимигу: сибизаву; шагъват сукку шаву; хіусуд-хіукудшиву; хурч-мурчшиву; уччиннин дукра дукаву; янна, дукра, хъус, къатри ххуйсса ччаву; халкъуннаяр хъунну, хъинну ччаву. Ми дакъасса мукуннасса цайми-цаймигу чйяруссар. Му къабуххан ччарча, тйуллая марцуну икланссар. Мунил масала ялагу ккашилсса ккаччил масалар, инсанначла дукансса дикй, ччатй духъурча, му дукан ххяхлахисса. Му лихъан бан къашайссар зад къадуртссаксса, я рикъаршус-саксса. Дукансса зад дакъахъурчари бачйва яри чаврил арх

шайссар. Мукунмари щяйтлангу инсаннал дакй гай сипатиртгал дурцуну духъурча, му арх бан къашайссар. Мунил дукансса мири. Минния марцуну ухъурчарив, ца Аллагу кйицй лагаврийнугу арх шайссар. Ялагу му щяйтлан Аллагу Тааьланал хъулийн бавхъусса ккаччир, тйивтйуну хъулурду бунна, дянив пардав дакъана Аллагуначлан инсан уххан къаитлатисса, нанинайн хъап тйисса. Аллагу Тааьланал гьарца инсаннал ялув малаикгу ацан увну увссар Мулгьим-тйисса. Цувагу мунал дакнин урчамур вичйилий щя ивкйна усса. Мунал хъинмур илгъам бутлатиссар. Ца щяйтлангу мусаллаті бувну буссар вав-вас тйисса, цуппагу мунал дакнин куямур вичйилий щябивкунма буссар, мунал му къачйларчагу, мунин му чйалачйиссар. Мунил оьмунин вав-васру бутлатиссар, му айкьин уллалаврихун машгул хъунмассар. Му хъама къаитайссар. Инсаннаннив муниятугу хавар бакъассар. Му дакнинмагу къабагъайссар. Яла Аллагу Тааьланал ца тйабиаьту дирхъуссар му инсаннаву. Мугу мунал чурххал гьавари. Му тамам бан яла шагъватту бивхъуссар. Миннул му шагъватиртгатайн, лаззатиртгатайн кунку уллалиссар. Инсаннал душман: му гьавагу, шагъватрал бувцусса цалва чурхгу, щяйтлангур. Чурххал масала виричюшиву цлакъсса, аслан-къапланнуха лавхъхъуссар, гужрай бакъа байшун бан къашайсса. Щяйтланнул масала бурцйил масалар, ятгийн ххяхлахисса ца чулухату, ласун къабивтун лихъан барча, тамур чулуха ххяххун лавсун лихъайсса. Мукунма щяйтланнулгу ца чулуха айкьин ан къабюхъарча, тамур чулуха айкьин уллалиссар.

«Насихлатуль-аввам»
(«Гъунчйукъатлан»)

Инсан ивкIукун, ганал бивкIу буччаву, садакьа щил бан аьркинссар?

Бусурманчув ивкIукун, жамятрал ганал хьхьичI буссар мукь-ва бурж: жаназа диссаву, суру бишаву, жаназалул чак баву, гьаттаву уччаву. Ми къабарча, щалва жамят бунагьралун багьайссар, цаннал барча, цинявнная бурж яла гьайссар. Муния гихунмайсса садакьа бикIу, цайми задру бикIу каши думанал, бан ччиманал банссар, бувагу къабарчагу бунагь бакьассар.

Мизит бакьасса шяраву нюжмар чак бан къааьркинссар тIун бикIай. Му тIайлассарив?

Нюжмар-чак байссар шяраваллил вив, гикку мизит бунугу, бакьанугу.

Мизит бакьасса шяраву нюжмар чак бан къааьркинссар тIун бикIай. Му тIайлассарив?

Нюжмар-чак байссар бусурман яхьанахьисса шяраву, гикку мизит бунугу, бакьанугу.

БучIиссарив Аллагьнал ﷻ цIа дусса чагьар ччуччин?

БучIиссар, амма лах буччин аьркинссар марцIсса аьрщараву.

ЦукунчIавсса сававрттая кумаг бакьаний ласнан бахIу бан бучIиссарив?

БахIугу, муниха лавхьхьусса ишру буллалавугу бунагьссар, мукусса иширттайн шариаьтрал цIакьсса къадагьа дулла-лиссар.

Агар оьрчI суннат бувнува дуняллийн уккарча, мунан суннат бан аьркинссарив?

Мукумий оьрчIай суннат бансса аьркиншинна дакъассар.

Жулла аьдат дур мавлуд дурккуну, дукра канай байбишиннин кару шюшасса. КIул хьун ччива, кару шюшаврил низам-тартиб дуссарив?

Дукра дуканин хьхьичI ва дуркуну махь кару шюшаву хьинну хьинссар, суннатссар. Мавлудрайн бикIу, цамур кIанай бикIу дукралул хьхьичI кару шюшайний цал къатлул залуннал шюшинссар, хьирив мюрщиминнал шюшайссар, хьирив жагьилтурал шюшайссар, хьирив хьуниминнал шюшайссар. Дуркуну махь шюшайни цал хьуниминнал, яла жагьилтурал, яла мюрщиминнал шюшайссар. Дукра дуканин хьхьичI шюршусса кару къалирхьуну хьинссар, дукралул хьирив шюшайхттурив лирхьуну хьинссар.

Ттул ур цалчинсса шарссаницасса оьрчI. Шариаьтрайн бувну мунал чулхуннайсса ттул тIалавшиннардугу цукунссар?

Шариаьтраву личIи бувну бакьассар оьрчI цумур ташулуллив, цимилчин-мунилив. ОьрчI балугьравун иянин буттал буржри му цимурцаннул щаллу уван: янналул, дуки-хIачIиялул, бакIрал ялувсса магьул.

Къашавайсса, чакливу сужда бан къашайсса инсаннал ци бан аьркинссар?

Сужда бан къашайманал авцIуну дуккаймур авцIуну дуккинссар, къус ивкIун дуккаймур къус ивкIун дуккинссар, яла сужда байни «аттахIият» дуккайсса чуIмал куна щяивкIун хьхьичIунай шайкун къус икIанссар.

Къашавайсса, чакливу сужда бан къашайсса инсаннал ци бан аьркинссар?

Сужда бан къашайманал авцIуну дуккаймур авцIуну дуккинссар, къус ивкIун дуккаймур къус ивкIун дуккинссар, яла сужда байни «аттахIият» дуккайсса чуIмал куна щяивкIун хьхьичIунай шайкун къус икIанссар.

ЧIявуну Аллагь ﷻ кIицI лаглай зикри баву хьинссарив ягу чIявусса садакьа баву хьинссарив?

Имам ХIакимлул ва Имам Тирмизил бувсьсса хIадисраву Идавсил ﷺ увкуну бур: «Бусавив зухьва аьмаллава яла ххуймур ва Аллагьнал ﷻ хьхьич даража лаваймур, арцумуси садакьалун дулаврияр ххуймур, гьазаватрайн уккаврияр хьинмур цумурдив, куну. АсхIабтурал увкуссар, буси я Расулуллагь, куну. Му аьмал Аллагь ﷻ кIицI лагавури, куссар Идавсил ﷺ».

Имам Тирмизил бувсьсса цамур хIадисраву бувсун бур, ца чIумал Идавсиль ﷺ цIувххушиву Аллагьнал ﷻ хьхьичI даража яла лавайми лагьарт цумири, куну. Идавсилгу ﷺ жаваб дуллун дур, ми лагьарт чIявуну Аллагь ﷻ кIицI лагаймири, яни, зикри чIявусса баймири, куну. Вай хIадисирттайну жунма бувчIлачIиссар чIявусса садакьа баврияр чIявусса зикри баву хьинсса бушиву.

Жу буттал жула чIаравсса ттучандалува дуки-хIачIия машин ласун къабитару, гиву аьракьи, хIан дахлай дунугий. ХIан дакъасса архсса цамур ттучандалиин тIайла буккару, дуки-хIачIия цумур ттучандали ласурчагу личIишиву дуссарив?

ХIан даххайсса тучандалиа зад машин ласавриву бунагь бакьассар, амма бюхьавай аьракьи дакъамур тучандалува ларсун хьинссар жунна аьркинмур

Аьпалул хьума сурураву цукун ишайссар, агарда суруан кIанттай мунал хIаж бувсса ихIрамраву ихьларча??

Укунмасса суру бихьлайни кунари аьпалул хьума ихIрамравугу кайкай увайсса, личIишиву дакъассар.

ХХИРАССА УССУРВАЛ ВА ССУРВАЛ! НАЙ ДУССАР 2013-КУ ШИНАЙССА "АС-САЛАМ" ККАЗИТРАЛ ПОДПИСКА. ККАЗИТ ЧИЧИН ХЬУНТИССАР ЧЧИМУР ПОЧТАЛИЙ ВА ГЬАРЦА РАЙОННАЙССА ЖУЛ ВАКИЛТУРАЙХЧИН. ЛАККУ МАЗРАЙССА ККАЗИТРАЛ ШИНАЙССА БАГЬА ХЬАНАХЬИССАР 270 КЪУРУШ, ОЬРУС МАЗРАЙССА ККАЗИТРАЛ – 583 КЪУРУШ. ККАЗИТ ЧИЧАВРИЛ ВА БИЯН БАВРИЛ ХIАКЬИРАВУ ОЬВЧИН БЮХЬАНТИССАР ВАЙ НОМЕРДАЙН: ЦIУССАЛАКРАЛ РАЙОНДАЛИЙ ВА НОВОСТРОЙРАЙ +7-988-307-04-03, ЛАККУЙ +7-988-771-59-70. АЛЛАГЬНАЛ КУМАГ БАННАВ!



ДУАЬ

БАЛАЛЛУЛ УВГЬУССА ИНСАН ККАВККУН УЧА

АлхIамдулиллагьи ллази аьфаний

мимма ибталака бигьи ва фаззалиний аьла касийрин мимман халакьа тафзийлан.

Рузнама

Апрель

Кьини	КIорххил чак	Баргь букваву	Ахттайн чак	Ахттакьун чак	МаркIачан чак	ХьатIан чак
1	4:50	6:29	12:53	16:27	19:18	20:44
2	4:48	6:27	12:53	16:27	19:19	20:46
4	4:44	6:23	12:52	16:28	19:21	20:49
6	4:40	6:19	12:51	16:29	19:23	20:52
8	4:36	6:16	12:51	16:30	19:26	20:55
10	4:32	6:12	12:50	16:31	19:28	20:57
12	4:28	6:09	12:50	16:32	19:31	21:00
14	4:22	6:05	12:49	16:33	19:34	21:04
16	4:18	6:01	12:48	16:33	19:36	21:07
18	4:13	5:58	12:48	16:34	19:38	21:10
20	4:10	5:56	12:47	16:35	19:40	21:13
22	4:05	5:53	12:47	16:35	19:42	21:15
24	4:01	5:50	12:47	16:36	19:44	21:19
26	3:57	5:47	12:47	16:38	19:47	21:23
28	3:52	5:44	12:46	16:38	19:49	21:26
30	3:49	5:41	12:46	16:39	19:51	21:29

ХIурмат бусса уссурвал ва ссурвал! Зунма цIуххин ччисса, ИсламрацIун, ШариаьтрацIун, кулпатрал багьу-бизулуцIун бавхIусса ва цаймигу суаллу гьан бан бюхьайссар SMS – райхчин 8-928-580-37-89 номерданийн, ягу 51-85-22 номерданийн оьвкуну цIуххин. e-mail: assalamlak@mail.ru